

本

中華郵政特准掛號認爲新聞紙類

第二十二期

三月一日出版

本刊減價啓事

敬啓者今接多數閱戶來函極力贊許 敝刊 醫理精奧方藥純靈但稍嫌價昂要求減價 敝會爲崇順輿情起見特開會議定由第十三期起減爲每年十二册大洋二元每半年六册大洋一元一角零購每册大洋二角皆不加郵力其已續交三元者則由第十三期起按期另算此啓

天津東門內國醫研究會公具

再郵局近來停止折收郵票請 各閱戶及登廣告 各家一律匯交國幣爲荷又及

國醫正言

劉嘉琛題



本刊發售彙訂本啓事

敬啓者 敝刊自創辦以來徵聘國內國醫名宿投稿協助作品一出燦若星辰是以醫界學界商界注重衛生之家極端歡迎內分文件辨駁論壇專著雜誌時症急救實驗瑣聞社會義務等專欄凡古今中西醫理之精粹及治療大症方法效驗之神速有庸俗所不可及者凡吾同胞不可不人置一編藉以自衛今將以前之刊物由第一期至第十二期彙訂厚冊減價出售以優待 閱者原定價每十二冊大洋三元今按八扣合計每一彙冊售大洋二元四角不取郵票郵力在內特啓

介紹廣州杏林醫學社出版之

研究 專書 **杏林醫學** 贈品 加送

(宗旨) 本書專以有研究價值之文字爲主體。精汰蕪。搜羅極廣。編纂極嚴。無一字不含有研究性質者。

(篇幅) 本書面積。高十英寸半。闊七英寸半。連底面共二百廿四而。成一巨冊。

(內容) 本書內分十大欄。總目二百五十四篇。子目五百二十二題。綜合六十四萬餘言。爲醫家必備之研究鉅本。

(定價) 每部大洋三元。寄費國內二角。國外一元。

(贈品) 凡購買本書一部。加送杏林醫學月報全年十二期一份。期數可由閱者指定

發行所 廣州大德路蘇 廣州杏林醫學社 行街八十四號

(電話一六二三〇)

國醫藥界最切實實之刊物

中醫改進研究會出版 常務理事時逸人主編 **醫學雜誌**

風行中外 信用昭著 全年六期 特價一元

宗旨 發揚中國醫學之精粹 內 蒐羅宏富取材嚴謹 促進中國醫學之建設 容 注重實用不尙空談

優待特價

本雜誌自民國十年發行。爲國醫藥界歷史最久之刊物。兩月一期。全年六期。現出至第八十七期。首尾齊全。優待讀者。特價發售。自第一期至第五十四期。每期一角五分。五十五期至現期。每期二角。預定全年。特價一元。郵費在外。郵票九五折算。以一分至五分爲限。

△發行處：山西太原市 中醫改進研究會 新民中正街

國醫正言第二十二期目錄

一 文 件

再覆張贊臣書（續）……………曾覺叟

二 辨 駁 欄

天津市中醫公會又評施今墨藥方

陳无咎關中醫六氣說爲妄言妄見之糾正……

……………曾覺叟

三 論 壇

對於中央醫院院長劉瑞恒等受記過申誠之

感言……………余震古

醫藥衛生常識（續）……………周餘甫

四 雜 誌

種子條解須知（續）……………吳香圃

溫病正宗序……………曾覺叟

五 專 著

聖方治驗錄（續）……………鄒趾痕

國醫傷寒課義（續）……………陳澤東

傷寒問答（續）……………沈肖卿

傷寒要畧（續）……………張蘭亭

六 專 載

蘇北黑熱病調查團報告書（續）

七 醫 界 消 息

中央醫院劉瑞恒等被懲戒議決書（續）

八 社 會 義 務 欄

啓 事

驗方（婦女病）

醫藥問答

代 郵

徵求社員

民衆醫藥日刊社簡章

宗旨 灌輸民衆醫藥常識補助醫館改進學術
組織 本社以社員三人爲一組每組設組長一人由
本社圈定之

社員 本社設社長一人由創辦人充任之
本社理事撰述職員由本社聘任之
不論何人不分性別凡愛護中國醫藥者均得
加入惟入社時須繳納入社費一元常年費一
元及二寸半身照片二張

義務 社員有資助本社工作及一切應盡之義務
權利 社員有投稿閱報及一切應得之權利
社址 江蘇吳縣西美巷中國外科醫院
電話二二九五號長途通

分社 不論何省何市何縣何鎮何鄉如有社員三組
以上者均得向本社請立分社
(章程)另訂之

本刊第二十一期刊誤

第十六頁倒五行第十三十四「非中」兩字應作「無」字
又第十六頁下應加「之觀念」三字
第廿五頁倒一行第六字「雖」應作「遂」
第廿八頁第四行以小柴胡湯應作「予以小柴胡湯」
第廿七頁第八行第十六字「下」應加「而」補「兩字」
第廿九頁第四行倒六字「卒」應作「率」
第卅三頁第十一字「傍」應作「部」

中醫新生命

第十六期要目

新年試筆	陸定圃
冷廬醫話補	沈仲圭
吳山散記	久保田晴光
漢藥之知識	姜白鷗
中醫脈學之檢討	衛原
中醫偽書考	李克蕙
子宮收縮與弛緩	葉橘藩
關於醫案	孔伯毅
幾種民間藥的研討	章次公
驗方叢話	陸淵雷
中醫病名之研究	陸淵雷
胃病醫案選	陸淵雷
醫案	陸淵雷
流行病須知	陸淵雷

全年二十冊定價一元四角

上海牯嶺路安里
陸淵雷醫室發行

文 件

▲再覆張贊臣書

(續)

曾覺叟

再者，前函所言，倘令現在一般青年，自命新學者見之，必有以僕爲老朽者，而不知老則有之，朽則未嘗朽也，如果外人事事皆勝於我，舍我所固有以從之可也，今平心以論，除武備器械，工商物品，我應取法者，其餘道德倫紀，學術禮教，我國何一不駕外人而上之，即武備器械，工商物品，從根本言，皆殺人之利器，武備器械，固專以殺人爲事，若夫工商物品，則機械日多，失業者亦日加，李君洞庭，謂科學爲世界之颶風，人心之火山，誠有至理，今固轟轟烈烈也，世界二次大戰之後，必有廢然思返之日，然猶可曰一時之潮流如是，彼既勝於我，爲國防計，自應師其所長，乃今日對於道德倫紀，學術禮教，我之駕於彼之上者，乃反盡棄其所固有而學彼，不亦顛倒之甚乎，即就醫學一部份而言，彼之歷史，不過百餘年，我則有五千年之歷史，乃可舍我國數千年來聖哲明達，發揚光大，博大精深之學理，而從彼幼稚時代之學說可乎，然則此猶可云歷史屬空談，而非實際也，請執事於其臨床時，細心體察，有一而能察其受病之原因乎，有一而能觀其病情之全局乎，無有也，惛恍迷離，日求之於驗痰，驗血，驗尿，驗糞之形迹，而不能得其真相，僕嘗謂西醫泥現象，而不知其原因，執局部，而不能會全體，非苛也，理實如是也，人方如蒼蠅之撲窗，而不能得出路，我已有光明之途徑，乃反舍之而縱彼，不亦可笑之甚乎，然治病亦時有效者，則其藥物功能

之偶合耳，然能真知其為某病，而應投以某藥耶。如以僕言為偏，請勿作主觀，平心靜氣以會之可乎，以上所舉，皆僕頻年以來，對於中西醫之評論，已登之醫藥月刊者，因恐執事以前或未注意，故重為執事鄭重言之，海內同人，豈無聰明特出之士，然其議論，率多游移附會者，亦以未得真理之所在耳，苟能得其真理所在，則何游移附會之有，例如作西醫之總評，有渡邊熙西醫以修理器械之法，治人之病之言足矣，治病既不能如修理器械之法，其餘何足論乎，僕老矣，發揚中醫之責任，不能不望之執事，及後起英傑也。(完)

中蘇 周龢甫 診例

▲門診上午九時至十二時……號金五角
▲出診下午二時至七時……診金二元
▲租界加倍 ▲附診一元
▲寓本市東門內舊津道七條胡同門牌一號

李錫卿 專門 診例

▲午前門診 祇收號金四角上午八點至十二點
▲午後出診 另有詳章
▲寓北大關爽園澡塘後韓家胡同路北頤善醫社

針灸 按摩 華佩文 大夫

地址：日租界秋山街十號
電話：二局一六三〇號

招生

診例

以二十年經驗學識探得針灸奧秘
經穴玄微手術捷便非筆墨所能形容
容者諸君欲得針灸正宗盍興乎來
精理男女雜症多年沉痾不用藥劑
毫無痛苦 門診一元 出診四元
八角 詳章備索

天津日本租界秋山街西頭路北

▲診例詳章▼

許從周醫寓

▲函索即寄▼

電話二局一千一百八十九號

每日上午九點至下午二點門診
每日上午十點至下午六點出診
隨時急症到

趙瑞升大夫

專門
鍼灸

治理瘟疫白喉疔毒兒科每日午前門診午後出診
急症隨請隨到

寓鼓樓東路北電話五局二七五八

儒醫張壽昌

治理男女老幼內科諸症早六時起晚六時止門診
四角出診二元過時加倍路遠另議

地址：本市河北獅子林前街豆腐房胡同二號

中醫孫鳴山精理

內外科

門診一元 午後出診

診所：河東老車站北小郭莊姚家台大街鳴和堂藥舖內

醫士郭季賢

內外科

門診上午八時至十二時診費四角出診下午二時至七時診費城內一元二角每租界各加一倍附診五角
地址：天津西門內鹽店胡同東合生堂藥店

李鴻儀醫士

專門
內科

▲午前九點至十二點門診祇收號金四角▲午後三點至六點出診一元二角租界加倍（上午掛號）
寓河北大街竹竿胡同門牌六十四號

以純科學研究中醫藥著聞的刊物

明日醫藥

第壹號

第四兩期合刊要目

麻疹專號

麻疹病學

郭若定

- 全文目次
- 一、麻疹之症候及診斷
 - 二、麻疹初期論治
 - 三、麻疹發潮論治
 - 四、麻疹後期論治
 - 五、麻疹之變例

附載

中國本草之科學的研究
 治療夜盲症之古方的價值
 關於五全大會「政府對中西醫應平等
 待遇以宏學術而利民生案」之文獻
 單方彙報(二)
 編輯後記

曾廣方
 葉橘泉
 馮玉祥
 祝敬銘等
 單方研究社
 編者

發行所：北平，什刹海，後井胡同，七號。明日醫藥雜誌社。
 定價：全年六冊，國內及日本一元五角；國外二元七角，郵費在內。

本期特點：麻疹為人生無法避免之症，西醫迄無治法，中醫述症論治，亦殘缺不完。本期所載「麻疹病學」一稿，係本誌主編郭若定先生家藏秘笈，茲經郭君依現代學理，精心刪補，編輯成書，蔚為鉅帙，全文長凡五萬餘言，論述麻疹症治，詳盡無遺。復經主編王藥雨大夫詳加校訂，實為醫學史上一大收穫。茲儘先由本誌刊行，以餉讀者。本期內容豐富，篇幅加多。此項合刊本，零售每冊特價一元，外埠兩購，不加寄費。若訂購全年六期，仍收原價一元伍角，毫不增加，以示優待。

辨駁欄

▲天津市中醫公會

又評施今墨藥方

(續上期本刊)

佟繼昌，服施先生之方，不但不愈，反致加重而吐血矣，再將其原方評駁如下

施案……佟先生口乾肺結核症，睡眠少，吐血咳嗽（方列左）

海浮石三錢

黛蛤散五錢同布包

半夏糲二錢

枇杷葉二錢同布包

旋覆花二錢

代赭石三錢同布包

鮮茅根生地各五錢

炙白前百部各五錢

赤白芍各錢

土炒透冬瓜子四錢

白杏仁二錢去皮尖炒

焦遠志錢半

炙紫苑二錢

炙蘇子錢半

仙鶴草三錢

阿膠二錢蛤粉炒

炒丹皮二錢

瓜蒌皮二錢

根三錢

評曰，海浮石，寒鎮肺液，青黛涼腎血，蛤粉斂肺液，此等藥同用，則肺氣降沉，正氣不復，風邪陷入營中，則血成塊而大吐致死，半夏糲，枇杷葉可用，然對於本症，無甚關係，旋覆花，軟堅降逆，代赭石，鎮肝破血，用不的，況旋覆代赭石湯，係醫聖張仲景治傷寒汗吐下表解後心下痞鞭噫氣不除者，今非傷寒汗吐下後心下痞鞭噫氣不除之病，用此藥反與本病有害矣，且施先生自稱脫離醫聖張仲景六經法綱，而竟襲取其旋覆代赭湯內兩味君藥，攙雜自己亂藥之方中，不倫不類，以迷世人，將誰欺，欺天乎，鮮茅根涼血，生地膩血，風邪不解者，不可用，白前散肝肺之風，密炙無用，百部殺蚊蠅諸虫，對於本症無用，赤芍瀉肝血，白芍斂肝血，此正滑頭騎牆法，不顧其法之對

症與不對症也，再加土炒透，其原性皆失，尤不可用，冬瓜子補肝，補則肝血清而肋痛，杏仁降肺氣可用，遠志炒焦傷腎，不可用，紫宛舒肺，蘇子降氣皆可用，但密炙則原性失不可用，仙鶴草破血，誤服作吐利不可用，阿膠用蛤粉炒，膩肺斂肺，不可用，瓜萋皮清胃熱，不可用，且根與皮之性同，用皮即不必用根，今皮根同用，是何取義，蓋俗所謂之湊熱鬧是也，不顧對於本症何如也。

按：本症之正治法，上期會詳言之，今觀施先生此方，尤屬雜亂無序，直是不通醫學者之所爲也，上期所載伊之方案，未言口乾吐血，而此方案始言之，足見是第一方誤治之弊也，以後數方，與前一二方大致相同，病者遂日見沉重，臥床不起，嗣後另延本市假廉無名之醫，竟治愈，乃施先生價昂名高，反越治越重，是其醫學不通乎，尙嫌診金之價未足其欲乎，亦可異已。

▲陳无咎闢中醫六氣說爲妄言妄見之糾正

會覺叟

嗚呼，推翻中醫氣化根本學說之荒謬言論，今竟出於中央國醫館編審委員矣，自去歲馮公煥章，及政府主持正義諸公，暨海外僑寓保護國粹諸君子，於五中全會，提議中西醫之應平等待遇以來，繼之以中醫條列之公佈，海內同人，莫不稱慶，乃忽有推翻中醫六氣根本學說之荒謬言論，竟出自中央國醫館之委員，閱之者，莫不瞋裂髮指，當此時而有此荒謬言論，誠所謂自掘墳墓，惟此文既未指明與僕辨論，僕又何必爲窮寇之追，然陳君既在中央國醫館，則此種荒謬言論，恐或爲學說之障礙，故不得不加以糾正，不然，陳君既以黨國要人，及僕所詰責之人，不加鞭策爲榮寵，其志趣之

卑陋可見矣，尙有與僕辨論之人格乎

陳君統六氣於空氣，是欲用夷變夏，以我國之傷寒，爲空氣細菌之傳染，籍以貫徹其主張，故不言六氣而言空氣耳，豈知此種牽強附會，徒爲識者所笑乎，何謂空氣，在中醫學理，爲陰陽沖和之氣，天地之所以生養萬物者，皆在乎此，六氣者，由陰陽二氣，動靜分合而來，有此六氣，方成四時，此皆天地生養萬物之常氣，其令人病者，則爲六氣太過之六淫，非生養萬物之常氣能病人也，譬之以陳君而談醫學，固不可指之爲漢奸也，以中醫談中國醫學，而推翻中醫六氣根本之學說，即可謂之爲漢奸矣，陳君不肯居漢奸之名，而所表見者，皆漢奸之事，僕固不能負荆請罪，恐海內同人，更有鳴鼓而攻之之一日也，六氣之中，寒與熱爲對待，爲獨立之氣，暑燥火皆爲熱，暑與燥，因時令而言，夏之日光酷烈，故暑字從日，而屬於夏，秋則長夏溽蒸之氣，全行收斂，而只有元旱之氣，萬物之應收成者收成，應凋落者凋落，收成凋落，皆亢旱之氣爲之，故燥屬於秋，火則無論爲暑爲燥，熱之甚而見形者，皆謂之火，如在天爲日，麗木則爲火，是夙爲陰陽二氣之鼓盪，濕爲陰陽二氣之氤氳，風濕二氣，本無定性，隨寒熱之性而爲性，此六氣之分析也，至於六淫之病人，有因一氣之過而病人者，有因二三氣之過而病人者，其理甚賾，非短幅所能詳盡，中醫以六淫之氣，皆本於六氣之變化，故標題不得不屬之六氣，而其中所言之外感病理，皆爲六氣太過之六淫，學說俱在，陳君豈既聾而且瞶乎，陳君既誤以風爲空氣，又誤以風之一氣，包括六氣，更誤以中醫之六淫爲六氣，一誤再誤，遂至以中醫之主張六氣，爲爭空氣，東拉西扯，真俗語所謂爲牛頭不對馬嘴矣，更有自相矛盾之可笑者，陳君不云合而爲一，分而爲六乎，既云分而爲六，是明明承認六氣，

何得又以中醫之六氣，為妄言妄見乎，不特此也，陳君既以風為空氣，又云東方生風，設東方不生風，太虛中途無生養萬物之空氣乎，又古人有云，食氣者壽，此指太虛中生養萬物之空氣也，若如陳君所云，風為空氣，是不必云食氣者壽，而可云喝氣者壽矣，陳君生養空氣之中，乃竟以風為空，又何怪乎因風而瘋，遂至如是之大瘋而特瘋乎。

(未完)

上古天真論詳解

古渝鄒趾痕著
全書一冊定價洋二角

外省加郵費一角

發行所 北平崇內溝沿頭甲三十五號

慈谿魏氏驗案類編初集出版通告

題簽者 浙江中醫學校校長范耀雲先生

題辭者 中央國醫館館長焦易堂先生浙江國醫分館館長許祖謙先生

題序者 曹炳章君王宇高君楊安國君范文虎君馮光宇君葉仲盤君

曹炳章先生序曰。余友魏君長春。字文耀。為慈谿積學士也。嘗研究醫藥。手不釋卷。間遇疑難奇症。常與余通函討論。切磋琢磨。虛心採納。必求其切實中的而後已。其日常為人治病。必記錄醫案。病者姓名住址。何年何月。病名病因。診斷療法。服後效果。何治何效。各案必全始終。大都其人俱在。信而有徵。非徒託空言可比。積久成爲鉅帙。釐訂四卷。名曰魏氏驗案類編初集。書述既成。郵寄炳章。遂證審閱。復經詳細審視一週。各證案尾。附以發明。先生平時審證用藥列方。研究心得有素。余於是書。云其認症無差。用藥恰當。非多讀古人書。善察時代變者所不能。全書四卷。鉛印洋裝分爲兩冊。每部實幣一元。

總發行所浙江慈谿城內回生堂
天津分銷處法租界三十號同善里張相臣診所

論壇

▲對於中央醫院院長劉瑞恆等受記過申誠之感言

余震古

讀去年十二月廿一日新北平報載有大官初被劾劉瑞恆等記過申誠之新聞一則（內容已載本報）做人閱悉之下，不勝駭異，竊思劉瑞恆等受中央之倚畀，司生命之重寄，以中央醫院院長，握有醫界最高之權威，責任何等重大，宜如何研究醫術之精良，器械之美備，發明藥物之功用，治療之效能，以期拯救人民疾苦，解除病者困厄，應手奏效，起死回生，方不負中央之付託，同胞之期望，乃今竟以玩忽職務，草菅人命，受監委之彈劾聞，是真令人百思而不得其解者，夫以國家丁此財政艱窘之時，而猶歲糜百萬元創設大規模之醫院，其用心不為不善，其經費不為不足，苟用之以作正當事業，則設備上自應力求美備，以及醫員之選擇，看護之訓練等項，必有充分完善之表現，方足以濟實用而饜舉國之望，蓋以中央建築之醫院，不僅足為全國公私醫院之模範，抑且為各國觀瞻所繫也，倘中央醫院諸大博士，以玩忽職務，草菅人命為表率，則其他公私醫院尚有一顧之價值乎，尙足以為全國人民生命之所託寄乎，言念及此，吾不禁為國家種族危也。

且夫醫者，慈心仁術，乃道德之事也，不思病者以身家性命相託，應如何殫精竭慮，起廢救盲，生死人而肉白骨，方不負病者之所託，以盡天職之所在，苟以金錢為重，置道德於不顧，視性命如兒戲，以致死亡枕籍，泉臺賚恨，清夜自思，能無愧乎，且因果循環之說，亦未可忽視也，然則此次

監院之彈劾，僅以記過申誠之處分，是中央猶存寬大，以冀彼等自覺耳，爲今之計，若劉院長沈主任者，宜本天良，速自醒悟，應如何方足以盡職責，應如何方不致於草菅人命，努力自新，以贖前愆，若知學識淺陋，力有未逮，則莫如退避要路，以待賢者，失之東隅，收之桑榆，未爲晚也，否則，祇以一己之利祿爲悲喜，而不以萬衆之存亡爲憂戚，則吾恐繼起而責難者，不僅監委已也，不僅記過申誠之懲罰已也。

▲醫藥衛生常識 (續)

周蘇甫

▲按內難各經，類皆多論少方，自仲景傷寒論出，始有正式方劑，其發明六經見證，及其治法，無一不本諸內經，其傷寒論自序，亦謂根據內難而作，可謂闢軒岐之奧蘊，發天地之秘藏，故歷代醫家，咸尊爲醫中之亞聖，由漢至今，莫之或侮，孰意今之五濁惡世，竟有創爲遵崇內經，脫離張機六經法網之狂論者，余驟聞之，當以此公智慧，必較仲景爲高，而即其言，味其意，亦何嘗不自命非凡，及觀其臨症處方，似乎以臨症指南爲秘本，然審其立方度，而又非臨症指南繩墨，查臨症指南一書，乃華岫雲氏，集葉天士生前治案而成，該書既非葉天士生前本人所著，而華氏又非業醫者，故採輯之時，既無鑒別之力，自不免瑕瑜皆收，其中症候錯雜，文義簡略，卽稍有精微獨到之處，然非於內難諸經傷寒金匱有深刻之鑽研者，亦萬難有所領會，若但摭拾其辭句，剽襲其方藥，取其皮毛，而不得其神髓，則正如盲人騎瞎馬，夜半臨深池者等，其危險爲何如耶，或曰，子言誠是，但高唱脫離張機六經法網之論者，焉知其不於靈素難經傷寒金匱盡皆參透，而後始有此妙悟耶，余曰，苟如是，則斷無以上之狂論，亦斷無此不合法度之怪方。

▲學術無論中西，欲求精進，必須經過窮研力討，埋頭苦幹，方能逐漸明澈，斷非一蹴可幾，今之所謂新中醫者，於軒岐仲景，既未窺其堂奧，而又不肯痛下苦功，既不肯痛下苦功，當然於精微之處，了無所得，既然了無所得，則不免感覺國醫之難，似不如西醫之易，於是摭拾西醫之殘唾，藉以掩其學識淺陋之疵，不但可以藏拙，並可博得時髦人物之贊，人情喜新厭故，一聞中醫腦子裏也有腦膜炎，加答兒，及感冒性口腔炎，傳染性腥紅熱等名詞之發揮，則驚爲中西貫通，科學名手，若僥倖貪天之功，偶愈一病，則更驕矜自得，大肆發揮，不曰某也頭腦陳腐，某也食古不化，即曰中醫如何不科學，如何須以科學整理之，至其所開方藥，十人之中，究竟治愈幾人，幾人被其誤殺，其本人既無回憶，自行考查，而病家亦以並非一劑立斃，遂不疑其有誤，由此僞風流行，故中醫之不學，而樂爲新中醫者，日見其多，是以不倫不類，非驢非馬之奇怪害人藥方，竟亦層出迭見，嗚呼，此真國醫之不幸，病家之浩劫也，雖然，若以降祥降殃之因果律而分晰之，凡經若輩新中醫之欺弄，甘受其害，而喪生者，殆非無故，而新中醫將來之結果，又豈能逃此循環之公例耶。

▲先年有鼠疫之說，認鼠爲傳染疫癘之媒介，於是以捕鼠殺鼠，爲衛生行政唯一之工作，一若殲滅鼠類，其疫癘即可消除也者，殊不知疫癘之發動，其氣必先從地起，鼠爲穴居，首先感觸其氣，先遭疫斃，迨疫癘之氣，蒸發上升，而人始感受，鼠與人之感觸，不過先後之分耳，然對鼠亦有應行注意者，蓋鼠中疫毒之後，腹中熱渴，求水甚急，往往於夜間出覓水缸，及一切盛水器皿，恣意狂飲，人不之知，誤食其水，即被傳染，故凡盛水器皿，無論春夏秋冬，總宜作蓋嚴覆，不使稍留隙孔，至案上茶杯，如有剩餘茶水，晚間亦必要盡行傾出，夏令尤當注意，此不獨防鼠偷飲，並

可防壁虎（俗稱蠍虎）洗浴及遺尿，蓋壁虎性淫，遇水即交，稍一不慎，亦能中毒，不特此也，夏令之浴巾毛巾用畢沾濕後，安眠之時，務要將其展開，晾在竿上，俾其速乾，萬勿隨意放置盆內或案頭，蠍子利其潮濕，每易隱藏其內，翌日使用，稍不留意，即被其遺毒。（未完）

中央國醫館理事武進謝利恒先生傑作

醫學歷史 史巨著 中國醫學源流論

謝利恒先生。於編輯中國醫學大辭典之後。復著中國醫學源流論。取數千年來各家學說。上起炎黃。下迄近世。攷其源流。別其枝派。原原本本。為有系統之論述。有志國醫者。手此一編。正如得寶庫之鎖鑰。大有探挹無窮之妙境。曾於國醫公報。醫界春秋。一再登載。海內醫界。歎為絕作。近及門諸子。用百宋字體鐫排。江南連史紙精印。仿古裝訂。異常優美。刻已出版發行。茲將全書目錄披露如下。

中國醫學源流論內容之一斑

醫學大綱	儒學比例	醫學變遷	上古醫派	素問攷證	難經攷證	靈樞經攷證	神農本草經攷證	傷寒雜病論攷證
金匱要略攷證	古代脈經	古代鍼灸經	隋唐間醫籍	宋明問醫方	五運六氣說	劉河間學派	李東垣學派	張景岳學
溫熱學	趙獻可學派	李士材學派	唐宋學說之異	宋學之弊	難經學	清經學	傷寒學派	張景岳學
薛立齋學	本草學	醫方學	解劑學	診脈學	舌學	痧癘病	辨症學	痘疹之別
金匱學	喉科學	眼科學	傷科學	腳氣病	霍亂病	痧癘病	鼠疫學	痘疹之別
外科學	醫案	醫家考訂學	醫家叢刻	中西匯通	東洋醫學	民國醫學	時代病	幼科學
祝由科	醫史	醫話	醫家考訂學	醫家叢刻	中西匯通	東洋醫學	時代病	養生法
秘方	推拿學	醫話	醫家考訂學	醫家叢刻	中西匯通	東洋醫學	時代病	養生法
祝由科	推拿學	醫話	醫家考訂學	醫家叢刻	中西匯通	東洋醫學	時代病	養生法

定價 全書一冊 售實價大洋一元 外埠郵費壹角
總發行所 上海派克路梅福里二十號澄齋醫社

雜誌

△種子條解須知

(續)

吳香圃

▲父不種子者，氣虛精弱之故，弱由色慾過度，傷於腎經，力薄而不能遠射，謂之陽失其道也，調經養精之道，不可不講，待時而動，乘虛而入，月經來逾三十時辰，則穢氣滌淨，新血初萌，乘此時以投之，情竇開動，兩情美感，真元媾合，如魚得水，久不受孕者，亦可受孕矣。

▲子嗣有無全在男子，而世俗專責於婦人，此不通之論也，男子不拘老少強弱康寧病患，不拘精易泄難泄，只須清心寡慾，蓋以君火在心，相火在腎，心不清靜則火慾動而心自跳，腎先心後，以陽爍陰，氣從乎降，而丹田失守，已失元陽之本，色慾若能寡，則腎陰足，陽從地起，心先腎後，以水濟火，乃氣主乎升，而百脈齊到，斯成化育之真機，至有孕而小產者，有產而不育，有育而不壽，有壽而黃耆無疆者，皆由男子心之動靜，慾之多寡，分爲修短耳，世人不察，以小產專責婦人不育，專付之兒壽夭，不亦謬乎，少年生子，多有羸弱者，慾勤而精薄也，老年生子，反多強壯者，慾少而精全也，好飲者子多不育，酒性慄悍，火毒亂精，濕熱勝也。

▲求子務必保精，今人無子者，往往勤於色慾，豈知施泄無度，陽度必薄，縱慾適情，真氣乃傷，妄欲得子，其能孕乎，夫男象天主施，女象地主受，一施一受其妊始成，今其所施，全非先天濃郁之氣，不過後天澆漓渣滓之物，縱使陰受可化，而實無陽施之用矣，有心種子者，毋傷於思慮

母耗其心神，母意馳於外而內虛，母內傷其志而外駁，母以酒爲色媒，母以藥而助火保精，會神靜養日久，至陰陽交媾，兩神相搏，一點先天真元之氣勃勃，乃生育之機也，即情慾大動之際，萬舉萬當矣，內經云，陰平陽秘，精神乃治，陰陽離決，精氣乃絕，老子曰，必清必靜，母搖爾精，人鏡經曰，精氣盛則生二男，諺曰，寡慾多男子，歷歷名言，不特老而無子者，當奉爲龜鑑，卽壯年少子者，亦須尊爲節符。

▲種子藥方宜慎，天地之道，貴乎和平，熱則陽亢，寒則陰凝，陽亢消燦，陰凝庸殺，人都不察，艱於無子者，購覓傳方，希圖種子，不知宜於不宜，而偏聽如神，按方製服，宜於彼，尙不知宜於此否，徧傳種子之方，大抵興陽助熱之品居多，或煨煉金石毒穢悍烈之物，以助房中之樂，不顧喪身之禍，深可惜也。

▲種子之道，有一言以蔽，種子求嗣，自古迄今，言之不少，其以訛傳訛，近於春方採煉者，姑置弗論，卽如道藏經，以月信止後，單日屬陽成男，偶日屬陰成女，廣嗣訣，以經期方止子宮開，及時補種，方能受孕，褚氏遺書，以血裏精成男，精裏血成女，東垣以經斷一二日感者成男，四五日感者成女，丹溪以受氣於左子宮成男，受氣於右子宮成女，聖濟經因氣以左動陽資之成男，因氣而右動陰資之成女，程鳴謙以精之百脈齊到，勝乎血成男，血之百脈齊到，勝乎精成女，此皆一偏之論，諸說紛紛，或有近理，或有憑虛，殊未免爲穿鑿，予一言以蔽之，曰寡慾則有子，而寡慾則不妄交合，積氣儲精，待時而動，以何求而不得歟，然寡慾必先清心，心主血而藏神，心有所動神卽外馳，腎志隨而內亂，以必搖其精也，輕則夢洩白淫，重則成癰發毒，心爲一身之主，苟能掃

盡邪思，自然寡慾神清，不惟多子，抑亦多壽，養心莫善於寡慾，正此謂也。

▲種子飲食當知謹戒，飲食品類，雖人之臟腑各有所宜，胎元先天之氣，極宜清淨而充實，惟酒多者，最爲不宜，酒性淫熱，非惟亂性而且亂精，精爲酒亂，則濕熱其半，精不充實，則胎元不固，精多濕熱，則生子胎毒瘡瘍痘疹驚風之類，率而造端於混沌之初矣，凡求子者，內遠七情，外薄五味，大冷大熱辛辣膩滯有毒等物，當一一戒慎之。

▲種子日有宜忌，求子交會，古有擇吉日良時，天德月德及四時旺相避忌丙丁，幼幼新書，著御女日期諸說，似屬迂遠不足憑也，惟天日晴明，光風霽月，時和氣爽，清寧精神，不待擇而得天時之正氣，避日月電光之下，神社井皂之側，冢柩穢污之處，而得地利之靈，以前所云清心寡慾之人，和則得子，必然賢智無病而壽矣。

▲種子須防暗產，初交之後，最宜將息，弗復交接，以擾子宮，盜泄婦陰，毒養胎之氣，而淫火一動，則搖撼督脈胞門不閉，胎始墮矣，惟有一月之墮胎，則人皆不知，但知不受姪，不知其受而墮也，此名暗產，一次胎墮，壯年不妨，屢孕屢墮，則肝脈受傷，自一而再，自再而三，隨得隨失，猶然莫知，素來無子者，大半是月墮胎，非盡不受姪也，而牝獸無墮胎之患，以牝牡交合有節，懷胎之後，牡獸近前則蹄而遠之，是一交而必孕，孕而必育，最善護其胎，懷妊而不遠慾，即幸而不墮，生子必脆弱多疾，痘疹胎毒，亦必險逆，慎之慎之。（已完）

▲溫病正宗序

曾覺叟

著書難，在今日而言著書更難，何也，中國開化最早，無論何種學說，皆有數千百年之歷史，欲發

揮一種學術，必合以前各家學說，比較參證，而後可知其得失，又必著書者，有綜覈古今之才識，而後能於各家學說，判其是非，以定其去取，非有過量之聰明，孰敢言著書者，而著醫書之難，較之他種學術爲難，著中醫之書則尤難，何也，在他種學術，苟有宗覈古今之才識，能以各家學說，比較參證，即可判其是非，以定去取也，若夫中醫學說，通於天人性命，雖有綜覈古今之才識，又必深通天人性命之理，且積數十年之經驗，實地印證，方能會歸而證圓通，否則鮮有不守一先生之言，而一得自封者，中醫之學說，爲外感內傷，外感又以寒溫分兩大綱，傷寒一證，自仲聖集其大成，治法釐然，雖後之注釋，龐雜紛歧，致起聚訟，自唐氏容川補正書出，仲聖傷寒論之真義盡顯，雖近之新醫，不無訾議，然老成碩望，如謝君利恒，繼起名流，如秦君伯未，對於此書，皆極其推重，後之學者，苟非好奇喜新，自竄荆棘，則傷寒治法，已有正軌之可循矣，溫病雖傷寒論中寒溫比證，及傷寒陽明化熱證中，已言其大概，然此不過其端倪而已，傷寒一證，有仲聖之書，可爲師法，雖有庸醫，苟能細心研究，當不至於殺人，溫病因無專書，以故漢後學者，暗中摸索，雖有一綫之微明，終不出傷寒範圍，劉河間出，始分別傷寒溫熱治法，火宅甘露，誠不愧爲軒岐功臣，惟其溫熱學說，仍在傷寒書中，未列專書，上智固知所融通，下愚則仍多迷罔，至前清周氏禹錫，楊氏栗山，葉氏香岩，薛氏生白，吳氏鞠通，王氏孟英，諸家書出，然後溫自溫，而寒自寒，釐然各別，不相混淆，至於新感伏氣之分，則蔣氏問齋啓其端，而柳氏寶詒集其成，至此而溫病治法，亦有正軌之可循矣，雖然各家言溫之書多矣，治法雖有正軌之可循，而其學說，則仍散在各家之書，尙未有綜各家之學說，比較參證，以判其是非，而定其去取者，陳氏嘉六之溫熱類編，採取亦亟

宏富，而無所評判，不過溫熱之類書而已，王君松如，世傳詩禮，其兄之平君，因蔡元培之廢孔祀，廢遺經，首倡正義，力與抗爭，衛道闢邪，聲望卓著，君素好學，于書無所不讀，而對於中醫書籍，則自內經以後，無書不備，亦無書不加以研究，而於溫病，尤有心得，二十一年在平，屢起大症，聲譽翕然，因感治溫之書，尙無統系，恐後之學者，無所適從，乃取漢後各家治溫學說，成爲溫病正宗一書，其上編爲學說辨正，備列各家學說，加以評判者，其下編爲正宗輯要，乃彙列各種溫病名目，採各家治法，以定其去取者，統系釐然，有條不紊，搜輯既全，選擇後當，非有綜覈古今之才識，而積有經驗者，曷克臻此，吾嘗謂中國醫學，今爲進步亟盛時代，觀於王君此書，益可徵其言之不誣也，惟是今之著醫書者，亦甚多矣，其剽竊抄襲，毫無學識者，固無論矣，其自命爲新醫，多持西醫體溫進退之說，以推翻中醫之六氣者，不知體溫之進退，如不因天時之寒熱而起變化，則爲內傷，如因天時之寒熱而起變化，則六氣爲病因，體溫之進退，乃其感受寒熱而成病後之變化，此顯而易見之理，乃可持之以推翻中醫之六氣乎，又有持三氣四氣之說，以推翻六氣者，不知無論爲三氣，爲四氣，爲六氣，既承認有此氣，則有氣即有變化，所謂三，所謂四者，不過狙公賦茅之見識而已，此又可持之以推翻中醫之六氣乎，此外又有以傷寒列入物理病者，牽強附會，更屬荒謬，不謂近日之所謂新醫，其學識乃竟如此也，其故安在，即在於媚外之心，以外人之飛機大砲，勝於中國之刀茅，遂以爲中國事事不如外人，不知飛機大砲，屬之物質，由人力之製造而成，自可以人力改良，至於人身，乃由天地陰陽氣者氤氳所生，自開闢以至今日，天地仍此天地也，氣化仍此氣化也，則人身亦仍此人身也，又安能如人力製造之物質，以修理器械之法，治人之病乎，

亦惑之甚矣，持此議論者，非對於中醫學理，無正確之認識，即如外人所運動，利用中醫中不肖份子，以中醫推翻中醫，吾嘗謂中醫不亡於西醫，而亡於中醫，即指此輩而言，不去漢奸，則中國必亡，不去此不肖份子，則中醫亦必消滅，年來對於國事，及中醫，均不惜大聲疾呼者，即以此故，乃虹貫荆卿之心，而見者，以爲妖氛而薄之，碧化萑弘之血，而覽者以爲頑石而棄之，曾文正在當時，尙有此沉痛之言，矧在今日，以故年來雖力竭聲嘶，而終無術以激發其愛國之心，不亦大可痛乎，雖然，中國爲黃帝神明之胄，其道德禮教，聲明文物，爲世界最先進之國，繼天立地之聖賢，旋乾坤之豪傑，何代無有，今日即危急已極，然政府雖抱世界主義，草野之中，豈無愛國之志士仁人，能任此少數漢奸，以斷送中國之大好河山乎，中醫雖有不肖份子，然維持正義者，大有人在，參天地而贊化育之中醫學說，又豈少數之不肖份子，所能推翻乎，君之令兄，既肆力於復興民族之運動，以發揚中國之文化國粹，君又以發揚中國醫學自任，雖似與令兄分道揚鑣，而其實殊途合轍，使國人皆能如君昆仲，中國何患其亡乎，中醫又何患其消滅乎，吾甚望君昆仲，本其百折不回之毅力，以作此狂瀾之柱石也，此外當有依附仲聖，高自標榜其所著書，非託仲聖之神授，即稱爲仲聖之第幾次稿本，究其所增，支離膚淺，與仲聖原文，實有天淵之別，雖對於不知醫學者，可以欺謾，而魚目混珠，賦硤亂玉，已爲有識所哂，此輩雖與近之新醫媚外忘本者有分，然亦爲整理中醫學說之障礙，故因序王君之書，而並及之，甚望後之學者，勿爲其所惑也。

專 著

◎聖方治驗錄（續）

四川重慶鄒趾痕撰述

鄒趾痕君聖方治驗錄引言

周 鎮

李東壁著本草綱目，殿以方民，示人以五方之民，各有風土疾患，異法方治也，清初伏氣溫病，多於傷寒，治方憾於鑿柄，不相投，遂制溫病方治，彼黃元御之酷信溫燥，猶有浮萍代麻黃之方，觀於劉君蔚楚遇安齋證治叢錄，國醫宜融匯各家，勿編一派論，暨海上醫校，日本諸博士，西術既窮，漢醫轉愈，遂譁誨人善本，良不少也，秀水陸昌年，著國朝醫法遞變說，謂葉派不善學者，動輒謂人陰虛，又曰存津液，為治病之主，於是清滋之藥，隨手亂投，其治外感，既滋膩留邪，而治雜症，亦寒滑傷脾，兢兢欲改良，亦已久矣，即虞心炎中國地理病學，謂牛莊之北，嚴寒可畏，極北又似更多傷寒矣，迺遼醫景仰山，醫藥從正論，有熱藥誤人最烈說，謂過清可投硫附，過熱則臟腑糜爛，無從挽救，戒偏執僨事，司令者，宜如何達權通變耶。

蜀渝鄒君子衡，別署趾痕，前著天年醫社日記，表彰經方之驗，而黜時方之庸，今又著上古天真論詳解，述瞽目復明經過，積熱滿首，腦痛且痺，瘀血入目，因之失明，肅清腦中瘀熱濁液，加增腦中新血淖澤，左目已散大者縮小，內眥已斜陷者得升，愈機由於酣睡，巔頂之火下降，致侵入目系之瘀血，由大便暢下，二十年之左瞽復明，懸揣以前時方之失，或係升陽散火湯搏而躍之，可使過

顯乎，慎已，君又治愈，蒯立誠背脇牽痛，髀軟不行之三年癱瘓，服聖方六月而募效，治一肺痿，十五年全愈，其用藥之久，加減法程，既有日記，必能追錄，自當診斷治療法方備錄，以著經方之神，用導後世之遵循，方爲仁術，矧八大傳染，風火時疫，胥可不用時方乎，語曰，雖善無徵，無徵不信，余又望鄒君詳載方藥，如蕭琢如遯園醫案，治從兄念農之妹，寒痺，服烏附至二十餘斤，爲循名覈實，昭示來茲也，企予望之。

民國二十二年歲次癸酉孟秋無錫周 鎮小農識於惜分陰軒

讀引言誌感

鄒趾痕

癸酉之冬，葭灰既飛，地面一百八十度之陰氣，下降一度，地下一百八十度之陽氣，上升一度，正此葭灰飛起之第一日也，年年歲氣之升降如此，吾人神氣之升降亦如此，此素問四氣調神論之所由傳也，今日之^{趾痕}景薄桑榆，暮靄無多，聊乘化以歸盡乎，將調神全形以長年乎，此皆無責任之高士所宜有，非吾之所宜有也，^{趾痕}學醫聖之道，雖未得其萬一，而所蒙之恩賜，則已大矣，以所蒙之鴻恩，自私自利，而不以公之於世，是負醫聖默牖之恩，是放棄自身之責任，吾豈敢哉，吾豈敢哉，今欲從事乎吾應盡之責任，當自作仲景傷寒論詳解始，搦管之初，適由郵遞到山西太原醫學雜誌七十四期，載有周君小農引言一篇，所以促成^{趾痕}撰述聖方治驗錄之引導也，前者立秋後五日，曾奉小農函以引言相勉，^{趾痕}以爲非我初志，置不爲意，今則公佈於衆目共覩之刊物，則非^{趾痕}所敢濡滯也，抑又思之曩者，上古天真論詳解出版，既有瞽目復明，及蒯立誠廢疾復起之說，神則神矣，究無詳密之記錄，安知人不加以無徵不信之謗，由是知小農之引言，其有意喚醒我以弭謗之方

於是暫置傷寒詳解之作，而從事於聖方治驗，回溯從前治愈之大病，有特異之處，一一紀之，其細處，不復記憶者，闕之，其近年在北平治愈之大病，如王養泉，蒯立誠二君之風濕癱瘓，因二君知趾痕有聖方治驗之作，皆發起熱誠，各將所得於趾痕之診治單，擇其要方，及其病愈之經過，用其親筆，錄以加入，不須趾痕贊一辭，俾愈治驗錄，得收速成之工，樸實記錄，不尚修飾，土俗不文，所不計也。

民國二十二年歲次癸酉仲冬之冬至日蜀渝鄒趾痕序於北平寄廬之迦瀾書屋（未完）

▲國醫傷寒課義

（續）

有著作權
不准轉載

陳澤東著

太陽中篇有曰，傷寒，若吐，若下後，心下逆滿，氣上衝胸，起則頭眩，脈沉緊，發汗則動經，身爲振振搖者，茯苓桂枝白朮甘草湯主之。

（註）此條之証，仍是太陽之表病，當先發汗，若不發汗，即用吐下等法，皆爲誤，心下逆滿，氣上衝胸，是誤吐之病，不當吐而吐，則隔中邪氣搏逆，即現此証，起則頭眩，脈沉緊，是誤下之病，不當下而下，邪氣內陷，故起則頭眩，邪入經則脈緊，當此誤吐誤下之後，正氣已虛，不能再發汗，發汗則動經，身振搖者，是經邪欲出而正氣虛，不禁發散之藥力故也，故以苓桂朮甘湯，安其正氣，化其內陷之邪也，經方之恰當周密固如此。

發汗吐下後，虛煩不得眠，若劇者，必反覆顛倒，心中懊懣，梔子鼓湯主之。

（註）此條之証，汗下兩法，皆不爲誤，惟吐則誤也，然汗不徹，水停膈內則變飲，吐不徹，則飲

不盡而心煩，不得眠者，是陰陽不相合抱也，反覆顛倒者，尙有內陷之邪也，懊憹者，是欲吐不吐築動不安之狀，邪與飲搏而誤下，則氣虛也，氣虛則不能再汗，邪與飲亦不能去，故用微吐法，除其餘飲，而散其內陷之邪，以吐有宣散之能故也，藥雖極簡，而功用極周，此之謂經方也。

又曰太陽病，當惡寒發熱，今自汗出，不惡寒發熱，關上脉細數者，以醫吐之過也，一二日吐之者，腹中饑，口不能食，三四日吐之者，不喜糜粥，欲食冷食，朝食暮吐，以醫吐之所致也，此爲小逆。

(註) 凡當吐之證，皆膈上有留飲，故吐之則飲去人安，如寒邪在表之時，或誤吐誤下，皆成變證，不可不慎，本條所論之太陽病，是指寒邪在表而言，寒邪在表，必無汗，故惡寒發熱，必須發其汗乃有汗，今其自汗出不惡寒發熱，關上脉細數者，是吐之誤也，吐誤則傷膈，而胃氣亦傷，如在一二日之時，邪尙在表，誤吐則胃氣虛逆，與邪搏化燥故饑，邪衝口舌故不能食，至三四日之時，邪已入胃化熱，故欲食冷食也，朝食暮吐者，胃氣傷，胃下口氣縮也，但自汗不惡寒發熱之象，不因誤吐而致者頗多，不可一見此象即爲誤吐，必須診其脉細數者，乃可斷其爲誤吐也，蓋誤吐則胃氣虛，而虛熱上逆，故脈細數也，本文以爲小逆，故未立方，愚以半夏橘皮湯與之，令其胃氣和則愈。

又曰，太陽病，吐之，但太陽病當惡寒，今反不惡寒，不欲近衣，此爲吐之內煩也。

(註) 太陽病在表，當惡寒，當以汗解，凡發汗之方，皆有行氣安營之藥，故能邪去營安，絕無內

熱外越之虞，今以太陽表邪之病，不發汗而吐之，是誤也，不惡寒不欲近衣內煩等證，是以誤吐之故，牽動營中之熱外越也，內熱外越，故見以上諸證，本文無方，愚以竹葉黃芩湯與之。

又曰，太陽病，過經十餘日，心下噯噯欲吐，而胸中疼，大便反溏，腹微滿，鬱鬱微煩，先此時自極吐下者，與調胃承氣湯，若不爾，不可與，但欲嘔，胸中痛微溏者，此非柴胡證，以嘔，故知極吐下也。

(註) 太陽病，十餘日，已及過經之期，不見傳經入裏之象，而現氣逆，便溏腹滿膈煩之象，故斷其爲誤吐下之弊也，噯噯者，欲吐不出，嗝嗝之聲，與胸中疼，鬱鬱微煩，皆係誤吐傷膈，氣逆之弊也，大便溏，腹微滿，皆係誤下胃虛之弊也，與調胃承氣湯者，是平逆氣和胃之法也，若不因誤吐下而有以上諸證者，是另有他故，不可與調胃承氣也，所謂嘔者，即指噯噯欲吐而言，非另有嘔病也（噯作溫訛也）

太陽下篇有曰，傷寒吐下後發汗，虛煩，脉甚微，八九日，心下痞鞭，脇下痛，氣上衝咽喉，眩冒，經脉動惕者，久而成痿。

(註) 傷寒在表，當先發汗，今乃先吐下而後發汗，是治法顛倒也，虛煩者，是誤吐之故，脉甚微者，是誤汗之故，心下痞鞭脇下痛者，是誤下之故，氣上衝咽喉眩冒者，是虛熱上逆也，吐下汗皆誤，則氣血皆虛，故經脉動惕也，久而不愈則成痿矣，本文無方，愚以桂附八味地黃湯去山茱萸加枳實厚樸與之，去山茱萸者，以其心下痞鞭脇下痛故也。

又曰，傷寒發汗，若吐若下，解後，心下痞硬，噫氣不除者，旋覆代赭石湯主之。

(註) 此條之證，亦係吐下之誤，心下痞硬者，是誤下之弊，噫氣不除者，是誤吐之弊，噫者，胃有氣上出也，不除者氣出不暢也，用旋覆花者，軟其痞硬也，用代赭石者，鎮其逆氣也。

又曰傷寒病，若吐若下後，七八日不解，熱結在裏，表裏俱熱，時時惡風，大渴，舌上乾燥而煩，欲飲水數升者，白虎加人參湯主之。

(註) 此條之證，係誤吐下之重病也，邪在表不發汗，而吐下之，膈傷而胃亦傷矣，至七八日熱傳入裏，而在表之邪熱未解，故表裏俱熱惡風也，大渴舌燥心煩欲多飲水者，是吐下傷胃液也，故以石膏知母解其表裏之邪熱，加人參助石膏清肅之氣，而救胃液也。

厥陰篇有曰，傷寒本自寒下，醫復吐下之，寒格更逆，吐下，若食入口即吐，乾薑黃連黃芩人參湯主之。

(註) 此條之證，係下焦素寒，當先用溫下元法，乃醫與吐下，傷膈寒胃，是爲大誤，故令素寒發動，格拒氣逆，上嘔吐，下利也，食入口即吐者，是膈胃寒邪格逆也，故以乾薑黃連黃芩湯，取熱因寒用之義，以通其格逆也。

又曰，傷寒大吐大下之，極虛，復極汗出者，以其人外氣怫鬱，復與之水，以發其汗，因得臟，所以然者，胃中寒冷故也。

(註) 此條之證，亦吐下汗之法倒置也，寒邪在表，當先發汗，乃不汗而大吐之，以治法不合，故不愈，而又大下之，仍不愈，而氣已極虛，又大汗之，仍不愈，蓋寒邪在表，不發汗而吐下

，則衛氣不復，故表邪不退，又與水以發其汗，是皆爲誤，臟者，隔胃氣傷，復又停水故也，本文無方，愚以五苓散加附子與之（未完）

傷寒問答（續）

沈肖卿著

發汗，若下之，病仍不解，煩燥者，茯苓四逆湯主之

問曰，發汗，若下之，病仍不解，煩燥者，茯苓四逆湯主之，何謂也

答曰，風寒兩感，邪氣在表之症，以麻黃湯發汗後，病當解，若以麻黃湯發汗後，餘邪未解，傳入陽明者，以承氣下之，病亦當解，不當不解而煩燥，今風寒兩感，已經自己見汗之症，誤認無汗之表症，而以麻黃湯發其汗，發汗後，餘邪在表未解，汗傷胃腎臟腑之氣血，則不當以承氣下之，若復以承氣下之，下後，胃腎臟腑之氣血更虛，於是心腎不交而煩燥，表邪內陷，三焦之水氣，隨之而停於心下者，法當以茯苓以利水，人參以養陰，四逆以救陽也，故曰，煩燥者，茯苓四逆湯主之

發汗後，惡寒者，虛故也，不惡寒，但熱者，實也，當和胃氣，與調胃承氣湯

問曰，發汗後，惡寒者，虛故也，不惡寒，但熱者，實也，當和胃氣，與調胃承氣湯，何謂也，

答曰，發汗前，惡寒者，本係表症，不是虛症也，今風寒兩感之症，邪氣不但在太陽，並已傳於陽明經氣分，誤以麻黃湯發其汗，發汗後，表邪已解，而惡寒者，此爲汗傷腎臟陰陽之虛症也，故曰，虛故也，發汗前，惡寒發熱，本係表症，不是裏實，若以麻黃湯發汗後，太

陽之表邪解，而陽明氣分之邪，傳於血分入胃，而身但熱者，此爲裏實之症，故曰，實也，法當以調胃承氣湯，以和中也

太陽病，發汗後，大汗出，胃中乾，煩燥不得眠，欲得飲水者，當少少與飲之，令胃氣和，則愈，若脈浮，小便不利，微熱，消渴者，與五苓散主之

問曰，太陽病，發汗後，大汗出，胃中乾，煩燥不得眠，欲得飲水者，當少少與飲之，令胃氣和，則愈，何謂也

答曰，風寒兩感之太陽病，邪已傳於陽明者，本不當以桂枝湯，大發其汗，今誤以桂枝湯大發汗後，大汗出，汗傷胃陰，胃中乾燥，煩燥不得眠，欲得飲水者，當少少與飲之，令胃氣和則病愈矣，若多與飲之，則汗後正氣未復，又不宜矣

問曰，不曰太陽病發汗，而於發汗之下，加一後字，何謂也

答曰，太陽病，發汗前，大汗出，胃中乾，煩燥得眠，不欲飲水者，此爲邪傳陽明，胃家實之症也，太陽病，發汗前，小汗出，胃中不乾，不煩燥得眠，不欲得飲水者，此爲表邪未解之症也，若太陽病，發汗後，大汗出，胃中乾，煩燥不得眠，欲得飲水者，此爲邪解，汗傷胃陰也，若太陽病，發汗後，小汗出，胃中不乾，不煩燥得眠，不欲得飲水者，此爲邪解而未傷其胃陰也，因其係辨發汗前後之見症，與治法，故必加一後字也

問曰，若脈浮，小便不利，微熱，消渴者，與五苓散主之，何謂也

答曰，風寒兩感之太陽病，邪已傳於陽明，以桂枝湯發汗後，不見煩燥，不得眠，欲得飲水之症

而見脈浮者，此爲陽明經氣分之邪熱未淨也，皮毛之寒邪，內陷於脾，水氣不化，故小便不利，陽明經氣分之邪熱未淨，故身微熱也，汗傷胃陰，胃中乾燥，已當口渴，今復有水氣不化，津液不得上升之症，夾於中，則口中更爲乾燥，故消渴也，當與五苓散，以治其表裏之邪，故曰，與五苓散主之。

問曰，風寒兩感之太陽病，邪已傳於陽明，症已見汗者，當以桂枝湯發其汗，今以桂枝湯發汗後，何以大汗出也。

答曰，經云，邪傳陽明，而太陽之表症未罷者，當解之，薰之，以小發其汗，不當以桂枝湯，大發其汗，今以桂枝湯大發其汗，故大汗出也。

問曰，何以不曰宜五苓散，而必曰與五苓散主之，何也。

答曰，太陽病，若以桂枝湯發汗後，若脈浮，小便利，身大熱，不消渴者，此爲汗後表邪未解之症也，則不當與五苓散，又當與治表之藥也，用一與字，即是以五苓散症而辨表症也。

發汗已，脈浮數，煩渴者，五苓散主之。

問曰，發汗已，脈浮數，煩渴者，五苓散主之，何謂也。

答曰，風寒兩感邪氣在表之症，以麻黃湯照症發汗後，皮毛之寒邪，由三焦入於脾，水氣不化，津液不得上升，而口渴，肌腠之餘熱，入於陽明經營衛，身煩熱，而脈浮數者，法當以五苓散，解表利水，故曰，五苓散主之，若以麻黃湯，照症發汗後，脈浮數，身煩而口不渴者，則又當以治表之法以治之也。

傷寒，汗出而渴者，五苓散主之，不渴者，茯苓甘草湯主之。

問曰，傷寒汗出而渴者，五苓散主之，何謂也。

答曰，風寒兩感之證，皮毛之寒邪，內陷於脾，津液不得上升，而口渴，肌腠之邪，入於陽明衛分，而汗出者，法當以五苓散，以治其內外之邪，故曰五苓散主之。

問曰，不渴者，茯苓甘草湯主之，何謂也。

答曰，風寒兩感之症，皮毛之寒邪，內陷於心下，而口不渴，肌腠之邪，入於陽明氣分，而汗出者，法當以茯苓甘草湯，爲治此症之主方，故曰，茯苓甘草湯主之。

中風，發熱六七日，不解而煩，有表裏症，渴欲飲水，水入則吐者，名曰水逆，五苓散主之。

問曰，此節所論之中風，係何病也。

答曰，此節所論之中風，係先風中肌腠，而後寒傷皮毛之症也。

問曰，中風，發熱六七日，不解而煩，有表裏症，渴欲飲水，水入則吐者，名曰水逆，五苓散主之，何謂也。

答曰，六日爲厥陰主氣之期，七日爲太陽主氣之期，若病至六日，邪傳厥陰，至旺時，而病自解，或至七日，邪傳太陽，至旺時，而病自解者，此爲正勝邪却，而病自愈也，若風寒兩感，病至六七日，邪不解，而有肌腠之邪傳陽明經氣分，身煩熱之表症，復有寒邪傳於脾，水氣不化，津液不得上升，口渴之裏症，然水氣不化，津液不得上升之口渴，不當渴欲飲水，水入則吐，今水入則吐者，此爲水氣上逆也，故名曰水逆，法當以五苓散，解表以利

水，故曰，五苓散主之。

(未完)

傷寒要略 (續)

張蘭亭編

▲筋惕肉瞤

傷寒病，筋肉動，發汗多，亡陽症，筋與肉，失養供，論中有，太陽病，汗不解，發熱盛，頭眩然身瞤動，欲擗地，真武定，宜溫經，益陽正，疾雖危，尙可慶。

(註) 傷寒筋惕肉瞤者，乃過汗亡陽之症也，由於汗多津枯，陽氣虛微，筋肉失養，故惕惕然而跳瞤瞤然而動也，如論中之太陽病，發汗，汗出不解，其人仍發熱，頭眩，身瞤動，振振欲擗地者，真武湯主之，與之動氣在左，不可發汗，發汗則筋惕肉瞤，此皆亡陽表虛之症也，法益溫經宜陽，培補正氣，使其筋肉得養，其疾自平矣。

▲熱入血室

傷寒熱，血室中，衝脈起，腎至胸，此部位，男女同，傷寒邪，入於衝，衝脈熱，血妄行，下血譫男亦同，金匱有，婦中風，七八日，脈遲微，脇下滿，如結胸，刺期門，譫可輕，若七八，適斷經血必結，如瘧乘，小柴胡，和解宗，又傷寒，發熱蒸，經適來，晝日明，夜譫妄，見鬼形，無犯胃聽自平。

(註) 血室者，衝脈之所主也，衝脈起於腎，出於氣衝，並足陽明經，夾臍上行，至胸中而散，爲女子繫胞，男子藏精之室，傷寒之邪，婦人則隨經而入，男子則由陽明而傳，衝受熱，而血

必妄行，此乃下血譫語之由來也，金匱有婦人中風，發熱，惡寒，經水適來，得之七八日，熱除而脈遲，身涼和，胸脇下滿，如結胸狀，譫語者，此爲熱入血室也，當刺期門，隨其實而瀉之，又有婦人中風，七八日，續得寒熱，發作有時，經水適斷者，此爲熱入血室也，其血必結，故使如瘧狀，發作有時，宜小柴胡湯主之，以上爲中風熱入血室，一刺期門，一用小柴胡湯，得治而愈之症也，然而又有熱入血室，不須治而愈者，即金匱之婦人傷寒發熱，經水適來，血室空虛，爲邪所乘，晝日明了而不病，夜則譫語，如見鬼狀，無犯其胃氣，及上二焦，候其熱隨血去自愈，此爲熱入血室，不治自愈之症也。

▲發黃

傷寒病，變無常，濕邪交，病發黃，有被火，寒濕妨，濕勝者，色暗藏，熱勝者，色明光，身如橘茵陳強，梔蘂皮，發熱良，麻軹豆，癢熱揚，脈沉結，小便長，少腹鞭，其如狂，下畜血，抵當嚕順與逆，細審詳。

(註) 傷寒發黃者，乃濕邪鬱閉而成也，症屬太陰脾土，而黃者土之色也，脾爲濕熱所蒸，色見於外，故發黃也，有濕熱盛而成黃者，有邪風被火，兩陽相薰而成黃者，有陽明病被火，額上微汗出，小便不利，身必發黃者，有傷寒發汗已，身爲之黃，所以然者，寒濕在裏故也，以爲不可下，於寒濕中求之，大抵濕勝於熱者，色暗而不明也，熱勝於濕者，色明而且光也，治宜清熱除濕爲主劑，故用茵陳蒿湯，以滌發黃之濕熱，梔子蘂皮湯，以清發黃之濕熱，麻黃連軹赤小豆湯，以散發黃之濕熱也，若身黃脈沉結，少腹鞭，而小便利，其人如狂者，乃

畜血下焦之症也，宜以抵當湯下之，發黃近掌無脈，鼻出冷氣，直視搖頭，環口黧黑者，皆不治之症也，臨症審因，宜細辨認，庶幾乎其無誤也。

▲發狂

傷寒病，妄歌歡，名發狂，陽盛愆，重陽狂，重陰癲，陽明病，壯火炎，聞木音，則惕然，獨閉戶踰高垣，大吐下，可杜源，下焦熱，如狂焉，時起臥，而不安，若直視，腎絕看。

(註)傷寒發狂者，妄自歌笑，行走不休，難經所謂重陽者狂是也，由於傷寒，熱毒在胃，浸併心臟，以致心神失志，而狂症作矣，有陽明病，惡人與火，聞木音則惕然而驚，閉戶塞牖欲獨處，甚則登高棄衣走，傷寒病至發狂，邪熱已極，非大吐下，不足以洩其邪熱也，又有熱在下焦，其人如狂，而未至於狂，只臥起不安耳，臨症者，宜細辨之。

▲霍亂

傷寒病，霍亂殃，吐與利，燥擾妨，傷寒吐，邪勢猖，霍亂吐，飲食傷，熱飲水，五苓匡，寒不渴理中湯，濕霍亂，吐瀉張，乾霍亂，脹悶戕，燒鹽法，或可康。

(註)霍亂者，揮霍撩亂也，經云，清氣在陰，濁氣在陽，清濁相干，亂於腸胃，而爲霍亂矣，但吐而不利者，邪在上也，但利而不吐者，邪在下也，上吐而下利者，邪在中也，傷寒吐利者，邪氣之所傷也，霍亂吐利者，飲食之所傷也，其亦有兼傷寒之邪，內外不和者，加之頭痛發熱而吐利也，霍亂頭痛發熱，熱多欲飲水者，五苓散主之，寒多不用水者，理中圓主之，上吐下瀉者，名濕霍亂，所傷之邪，隨吐瀉而去，得生者多，上不得吐，下不得瀉，名乾霍

亂，所傷之物，不得泄出，勢必煩滿脹悶而死，古法有燒鹽方，用探吐之，因邪隨吐而去，得生者多，司命者，幸勿忽之。

▲畜血

傷寒病，畜血義，乃瘀熱，下焦聚，本太陽，隨經溢，又如狂，小便利，與陽明，喜忘記，便黑鞭而且易，抵當湯，乃重劑，若輕症，桃承氣，長沙法，週且密。

(註)傷寒畜血者，血瘀下焦，聚而不散者是也，此由太陽，隨經瘀熱在裏，血為熱搏，結而不行者，畜於下焦之所致也，如論之太陽病，六七日，表症仍在，脈微而沉，反不結胸，其人發狂者，以熱在下焦，少腹當鞭滿，小便利者，下血乃愈，抵當湯主之者是也，又傷寒有熱，少腹滿，應小便利，今反利者，為有血也，與之太陽病，身黃，脈沉結，少腹鞭，小便自利之如狂，是皆下焦畜血之症也，陽明症，其人喜忘，屎雖鞭，大便反易，其色必黑，以上數端，皆為畜血之重症，宜以抵當湯下之，若外證已解，但少腹急結者，則為畜血之輕症也，宜以桃仁承氣湯以利之，要在臨症，審其虛實，別其輕重，隨宜而治，自無不愈之疾也。
(未完)

杭州公會主編國醫新聞啓事

本及刊每星期六出版現已出至第十五期專載國醫藥界消息
並刊本會星期六進出行版歡迎各界人士踴躍投稿
全及本會計出五十五期願與友刊介紹
年共計出五十五期願與友刊介紹
會址：杭州佑聖觀巷三益里十號

專 載

▲蘇北黑熱病調查團報告書 (續)

下午至仁慈醫院訪曹寄僧醫師，並參觀該院附設之瘧塊病院，各調查員對患黑熱病者，均加以慰問，又至黑熱病研究隊訪蒲蘭谷醫師，並蒙導觀各試驗室，又訪當地之方佐臣醫生，繼又至淮陰縣黨部請其協助調查，又至江蘇省立民衆教育館請其推行撲滅黑熱病之衛生教育。

十七日，晴，晨七時乘汽車赴漣，沿途道路崎嶇，車行履阻，及抵漣時，日已中午，訪漣水縣政府沈縣長，適值公出，與周科長接洽，悉漣水計分七區，面積有八一六三方里，人口計五三一·九五三人，繼至漣水縣黨部，請其協助調查，

在漣水之西城內訪患黑熱病者數家，研究其症象及其家庭之環境，繼至新北鎮調查黑熱病狀況，行至中途，車陷河中，經久始出，該地適置逢集，遂利用時機，對一般民衆宣揚省府調查黑熱病之意旨，聽者動容，繼至小李家集等鄉調查，回漣時已萬家燈火矣，

在漣訪夏德霖，許漢三，于亦英，諸醫生，晚宿馬大和旅館，

十八日晴，早晨又復下鄉，至張家花園，小李家集，程集等鄉鎮，調查黑熱病流行狀況，小李家集適逢集期，賣者以樹皮爲大宗，每車樹皮，售價甚微，患黑熱病來此打針者甚多，均經各調查員加以慰問，

下午從漣南行，途經淮安縣屬之毗漣鎮，谷家圩，李家磚頭，古驛鄉，金龍菴等鄉村，已有黑熱病發生，雖其數甚微，而此病漸次南侵，已成事實，六時許抵淮陰，

十九日晴，晨七時出發，頗有「鷄聲茅店月，人跡板橋霜」之景象，七時許開車，途經漁溝衆興等鎮，均分別調查各該鎮附近黑熱病之流行狀況，惟車行至泗陽淤黃河時，復又陷落水中，經久始出，繼經臨河集，倉集，胡廟圩，洋河鎮，六堡鎮等鄉鎮，均分別調查，沿途白雪初融，車行匪易，尤以馳行淤黃河之高堆，費盡心力，抵宿遷已四時許，訪宿遷縣政府張縣長，適亦公出，馬秘書招待甚殷，宿遷共分八區，有九五五六五方里，人口計六五三·四二八人，晚間訪沈之軍，吳玉書，施壽仁，諸醫生，下榻迎賓旅社

二十日晴，晨七時即出外調查，共分兩組，一組往各鄉鎮調查，計至劉江鎮，石灰窰，玻璃廠，安莊，河口等處，一組訪劉傑三，郭茂生，諸醫生，及中醫楊醒吾等，又訪宿遷縣黨部，請其協助調查，下午又至項里鎮調查，並至仁濟醫院訪楊庶譽醫生，參觀該院附設之痞塊病院，患此病者，來自睢寧或安徽泗縣者頗多，各調查員均加以慰問，

二十一日晴，晨六時，乘汽車南行，途經張莊寒灘，洋河鎮等鄉鎮，均往詳細調查，過淤黃河時，汽車又陷於河中，幸民衆協助，始獲安然出險，

抵泗陽時，已十二時許，訪泗陽縣政府董縣長，適值小刀會匪猖獗時期，距城僅三十里，軍書旁午，鮮暇顧及，查泗陽共分六區，面積積有一〇·〇〇〇方里，人口計五四二·五四二人

下午至衆興鎮，李莊，來安鎮，張常莊，陳祠堂，谷集，大興莊等鄉村調查黑熱病流行狀況，

回淮陰時天已將晚，仍宿江北旅社。

二十二日晴，晨七時，乘汽車至東灘鄉，王營鎮，西壩鎮，浪石鎮，漁溝鎮，七孔橋等鄉鎮，詳細調查，下午訪中醫陸慕韓，及黑熱病研究隊，又至淮陰行政區督察專員公署，淮陰縣政府告辭並參觀省淮師省淮農等校。

二十三日晴，早晨復參觀黑熱病研究隊，下午一時乘輪南回，於二十五日上午返省，整理筆記及編製報告書。

綜計此次調查區域，以淮陰，漣水，泗陽，宿遷等四縣爲目的，並調查淮安縣境之鄉村，以觀黑熱病南侵之實況，茲將實地調查之地點，分別列表紀錄如左。（表略）

各縣患黑熱病人數，雖無精確之統計，即以調查之狀況估計，約在十萬人以上，占該數縣人口百分之五有奇，此十萬人中，亟待救濟者，約五萬人，每人以十元統計，約共需洋五十萬元。

第三章 蘇北黑熱病之症候

甲 主要症候

此次蘇北盛行蔓延之黑熱病，其病象大率當病者初期，呈頭痛，寒戰，發熱等症候，熱型極不整齊，有一日內現數高峯者，有體溫稽留十餘小時始低降者，如是牽延數星期後，往往熱度下降若干日，體溫復又上昇者，因此每被誤認爲瘧疾，但此時腹部左脇弓下，脾臟腫大，隱隱作痛，食慾不振，四肢無力，精神倦怠，肌肉瘦削，黎明盜汗，鼻腔出血，齒齦發炎，皮膚呈灰黃色，尤以面部爲顯著，婦女罹此疾後，月經往往停止，牽延不治，則釀成貧血，肝臟腫大，夜盲浮腫等症象。

乙 合併症候

本病易發生下列各合併症，如氣管支炎，肺炎等症，尤以兒童在冬季為多，此外併發咽喉炎者，亦復不少，夏季兼發下痢者甚多，末期常併發水瀉，或水腫，或壞血症，每為患者，直接之死因

第四章 黑熱病之流行情形

黑熱病流行於蘇北，係在七八年前，由山東省境蔓延而來，初以銅山東海等縣，流行最盛，近三年來，逐步南侵，盛行於灌云，邳縣，宿遷，睢寧，沐陽，漣水，阜寧，泗陽，淮陰，淮安等縣，寶應高郵亦間有發現此病者，其間以漣水淮陰最多，泗陽宿遷次之，就此次之調查情形言，泗陽屬之來菴集，全集百餘人中，患黑熱病者，竟有三四十人之多，宿遷之來龍菴小學有兒童六十人，患黑熱病者，凡二十餘人，患病者固不到校，即不患病者，亦因慮傳染，而相率却步，該校雖因此而停辦，類此者甚多，惟軍隊中對於此病，則尙少發現。

(未完)

山西中醫改進研究會
二十五年份之新貢獻

中國婦科病學

現已出版全書一冊定價一元
優待讀者特價八角郵費在外

內容	第一篇月經病。第一章月經之來源。第二章月經病總論。第三章月經病各論。第二篇胎產病。第一章胎產總論。第二章因胎而致妊婦之胎前病。第三章妊婦自生之胎前病。第四章胎兒自生之胎前病。第五章小產病。第六章難產。第三篇產後病。第一章產後子宮之病。第二章產後乳部之病。第三章產後兼發之病。每章之下。各分若干節。每節又分若干項。逐層剖析。備極精詳。證候診斷。治法。處方。皆有精深之經驗。足供按圖索驥之需要。醫家病家。皆為不可缺少之要書。特價一月。印行無多。購者從速。
提要	

山西太原市新民中正街中醫改進研究會啓

醫界消息

◎中央醫院劉瑞恒等被懲戒議決書

(續)

惟以醫師對於此種精微複雜之狀況，如何能措施適當，全屬於醫術上優劣程度問題，換言之，即爲醫師注意能力高下問題，蓋注意能力之差，不能以不注意論，被告充當醫師，其注意能力亦與一般醫師相同，以其現在之能力經驗而責以比其更精深之能力經驗爲標準，使其負過失之責任，自非法律之所許，至關於病人未蘇醒前，即離院他去，致病人危險時無從覓救一節，則認爲查中央醫院醫務各科處服務規程，有住院醫師及助理住院醫師之規定，當時有值班醫師張翌在院，既經告訴人之威脅齊作之等承認無異，則被告以陳允之出手術室時，尙無變態，離院他去，亦無何等過失等理由，判決駁回上訴確定在案，此又一事也，先是中央醫院自成立以後，關於業務上及對待病人上，頗爲病家所不滿，故有南京市黨部先後兩次據市民請願，呈請中央黨部將該院澈底整頓之事，道上開兩案發生，社會上對該院之責備益多，報章亦有加以非難之記載評論，監察院監察委員朱宗良，以該院院長劉瑞恒常不到院，對於院務不負責任，內部事務多由各科主任兼副院長沈克非辦理，沈氏態度傲慢，管理諸多疎忽，院務日形廢弛，一至一再肇禍，因舉該院最近發生即上開之安黔及陳允之兩案，爲其玩忽職務，草菅人命之具體事實，對於劉瑞恒沈克非提起彈劾，經于洪起王平政杜義審查成立，由監察院移付懲戒到會。

理由

本案被付懲戒人等，被劾玩忽職務之具體事實，爲安黔陳允之兩案，其事既先後經前江寧法院及江蘇高等法院依據法醫鑑定，及法醫研究所，與上海寶隆南京鼓樓兩醫院等一再審查研究之結果，分別予以不起訴處分，或宣告無罪，陳案且經二審判決駁回上訴，在學理上自屬已有充分之根據，惟兩案之發生，其癥結所在，與其謂係起於學理上是非之爭，毋寧謂係起於該醫院平日人事方面之未盡爲病人及社會所不諒，較爲近似，蓋吾國科學落後，社會一般心理，狃於故常，對於新式醫院信仰本極薄弱，兒童換牙一事，尤視爲尋常無關輕重，大都聽其自然進行，而另一方面則又莫不認開刀等手術爲死中求生之最後辦法，非迫於萬不護已，多不肯冒險嘗試，今竟有因換牙開刀致死者，在此場合，無論在醫學上有何理由，但事實上究無以祛一般人之疑，中央醫院，爲首都唯一之國立醫院，對於社會所負使命至爲艱巨，診務方面，固應特別審慎，人事方面，於對待病人等事，尤應力求周到，以堅社會之信仰，而謀業務之進展，乃爲服務於該院之人人所應時加注意之條件，核閱安陳兩死者家屬原訴所述當時就診情形，及監察院調查報告，並參以原劾案檢附各件，如南京市黨部呈請整頓該院，所根據之各種事實，似該院於人事方面，尙未盡充分注意，此或如內政部調查委員會報告所云該院「合教學與診病二重性質，應付上，自難免發生困難」者，乃係由於該院整個制度上之缺陷使然，固未可完全歸咎於各個人，惟此種缺陷，要非病家及社會一般人所能體諒，閱時愈久，不諒者愈多，累積醞釀，遂具體化爲安陳兩案，故本會以爲本案僅就安陳事件執學理以爲是非之爭，將愈爭而愈不得真是非，不若就原劾案所附全般文件，旁探社會輿論，以探求其癥結之

所在，此則該被付懲戒人等在其所負對社會之責任上所當自省者也，況即就安陳事件而論，當時陳華爲安黔拔牙，初似極有把握，故亦行所無事，乃拔牙後數小時，病勢即起變化，任其經過六七日之久，不施急救，直至勢瀕危殆，始再由沈克非開刀，無如爲時已晚，終難挽回，該陳華雖非本案被付懲戒人，而其對病人之怠忽行爲，實不能不影響於正副院長之監督責任，此其一，至陳允之事件，據江蘇高等法院，根據法醫研究所之說明，死者係醚之中毒，並非肺動脈之拴塞，既係醚之中毒，則無論行醚麻醉時手續如何繁難，及其道理如何精微，複雜，但此均爲被懲戒人所深知之事，如自審能力經驗未足應付此精微繁複之困難，當時惟有敬謝不敏，否則非以病人供試驗，即係掉以輕心，醫師治病固不能保證病人之必無危險，然陳允之之死，既非由於其病原，——盲腸炎之根本不治，乃係由於醚之中毒，縱令確係學理精微或尙有其他原因，而在行醚麻醉當時之未能措置適當，已堪認定，自不能諉卸其在懲戒法上之責任，劉瑞恒對於安陳事件雖非直接施治者，但身任院長，對全院事務，居於監督地位，失察之咎，亦屬無從解免，綜上論結，被付懲戒人劉瑞恒沈克非，有公務員懲戒法第二條第二欸情事，依同法第三條第一項第四欸及第五欸議決如主文

中華民國二十四年十一月三十日

中央公務員懲戒委員會 (完)

中國醫藥書局……特約經售……秘本醫書提要

內經方集釋 張驥輯 木版本裝
二大冊 價一元二角

內經十二方實為醫門處方之祖俗學不知反謂內經為無方之書真囈語也此編注釋十二方類稍詳覽而方制方宜方禁諸篇尤多發前人所未發

雷公炮炙論四卷 劉宗素著 木版本裝一冊
雙流張驥輯 售實價四角

此書自宋元後即已無傳茲詳加採集彙為專書以復雷公真面目制藥家讀之便能遊古炮炙立起沉疴

三字經合編四卷 張驥輯 木版本裝
一大冊 實價五角

長樂陳氏三字經根據內難長沙是為有本之學大司醫學門徑今為初學便讀起見附刻成都張氏春溫訣一卷天彭唐氏痢症訣一卷方歌方論並列上方俾讀者一目了然海善本也

史記扁倉傳補注 張驥著 木版本裝
三大冊 價一元二角

扁鵲行鍼倉公診脈備載史公本傳中第儒者不談醫家從何了解致使古來絕學湮滅無傳今廣徵醫籍為之補注俾學者力爭上乘

周禮醫師補注一卷 張驥著 木版本裝
一大冊 實價四角

周禮醫師補注五卷五色五味九藏諸義皆與素難經互相發明皆後世諸大經師未詳醫理故注疏亦嫌疏漏此篇根據內難引經解經極為透闢誠醫學家不可不讀之書也

左氏秦和傳補注一卷 張驥著 木版本裝
一冊 實價四角

秦和陰陽風雨晦明六淫之論即後世言三因者之所宗鄭賈諸儒未能深究軒岐之學故注疏每多罅漏此篇根據素難經詳加補注極為翔實不為鑿空影響之譚治經治醫均不可不先觀為快也

子華子醫道篇補注 張驥著 木版本裝
一冊 實價四角

此篇論陰陽五行藏府血氣絡脈五方三氣之理無一不與靈樞素難息息相通獨惜數千年來無一注家解明義諦殊為憾事茲根據靈樞素難考醫經條分縷晰逐一注明洵醫家之寶筏也

程正通仙方註釋一卷 裝訂一冊
實洋二角

本書清代名醫程正通先生遺方未嘗著書傳於今者僅遺方五十七則古光片羽彌足珍視惟原方簡約含義淵博非盡人可解經三衢名醫程錦雲註釋厥義大彰

雷逸仙醫案 (附方藥玄機一卷) 精裝一大冊
實洋六角四分

本書三衢名醫雷逸仙先生業儒攻醫學富心慧瀟清道成之際為三衢醫林之白眉著有方案數百則其公子少逸屢擬梓行卒未果茲經柯城六一子編次門類分訂二卷後附雷少逸先生方藥玄機一卷按時擬方之善本又經靜園主人於每方之後編詩一首會便於後學記誦

醫約補略四卷 (附死候概) 連史紙精裝一冊
(要一卷) 實洋五角

本書程芝田先生著摘先賢之要旨選經驗之良方取由淺入深之意故其脫略之處在所不免經香圃為之補略逐條加按以成完璧香圃氏又續編死候概要一卷於書後大有裨益於醫林

鍼灸經穴圖攷 黃竹齋 八大冊 實價洋八元

總發行所 上海白克路西祥 中國醫藥書局
康里第七十七號

社會義務欄

編者 志學

第十四號

灌輸醫學常識，公開經驗良方
 担任醫藥顧問，解答疑難問題
 救濟赤貧疾病，組織義務施診
 介紹特效藥品，供給醫界新聞

本 啓 事
 欄 驗方(婦女病)
 目 醫藥問答
 次 代 郵

徵集良方啓事

敬啓者，本部爲服務人羣，增進健康起見，對於奇方秘笈，竭力網羅，不厭搜求，如蒙 海內同志，肯以經驗有效之良方見示者，無任歡迎，不僅爲敝部篇幅之光，抑且爲病家所企望者也，再者，如承 惠賜有關於醫藥常識之稿件，尤所感盼，特此佈告，即祈 各界讀者及同道惠嘗注意及之，幸甚禱甚。

本部謹啓

驗方

婦女病驗方輯要 (續)

胎孕門

- 一，妊娠心痛，青竹茹一升，酒二升，煮取一升，去渣溫服
- 一，妊娠心腹絞痛，大紅棗十四枚，燒焦爲末服之
- 一，妊娠猝不得小便，杏仁一味，去皮尖，搗製爲丸，如綠豆大，燈心湯吞七丸，效

編者

一，妊娠遺尿，益智仁爲末，米飲下，效

一，妊娠尿血，阿膠炒黃爲末，食前，粥飲下二錢

一，妊娠湯血，豆腐熬乾生地等分，研，每一錢，米飲下

一，妊娠鼻衄，白茅根花，濃煎汁服

一，妊娠臍燥，自悲自哭自笑，紅棗燒末，米飲調下

一，妊娠嘔吐，香附二兩，藿香葉甘草各二錢，爲末，淡鹽湯下二錢，又方，竹茹三錢，陳皮一錢，煎服

一，妊娠轉胞，尿閉脹急，令產婆香油塗手，自產門入托其胞，則尿出如注，又方，葱白細切，和鹽炒熱，熨臍下立通

一，子懸，香附炒研，紫蘇湯下一二錢

一，子腫，冬瓜湯恣飲，或用冬瓜皮煎湯下，又孕婦腹大有水氣者，亦名子腫，用白朮二錢，茯苓錢半，歸身白芍各一錢，生薑陳皮各五分，活鯉魚一個，約重八九兩，煮汁一盞半，去魚，以魚湯煎藥服，甚效

一，子淋，小便淋瀝也，地膚子或冬葵子，煎湯飲

一，子癇昏冒，縮砂和皮炒黑，熱酒調下二錢，或米飲下，效

一，子煩，黃連末，酒服二錢，又方，黨參茯苓麥冬黃芩知母生地炙草各一錢，竹茹一大團，水煎空心服

一，子滿，孕婦至七八個月，胎已長成，腹大腹滿，逼迫子戶，坐臥不安，用白朮黃芩蘇葉枳殼大腹皮各錢半，砂仁五分，炙草三分，薑引，水煎空心服

一，腹中兒哭，黃連煎濃汁常呷之

一，死胎不下，皮硝二錢，壯者三錢，寒月加熟附子五分，酒半杯，童便一杯，煎二三沸溫服

一，母病欲下其胎，生附子末，醇酒和塗右足心，胎下速去之，又方，獨根土牛夕塗麝香，插入陰戶中

一，碍病不能不去胎，蟲虫十枚，炙搗爲末，每服一錢，粥飲下，又方，麥蘖一升，密一升，服即下

◎醫藥問答◎

河間王翊文君問……敬懇者，鄙人前服務商界，在外交際不慎，以致染有鴉片嗜好，自後廢時誤事，故業務不振，返歸故里，身體日見衰弱，屢擬戒除，而又感困難，無法自制，所受之痛苦日深，焦急欲死，不知津市現有戒烟醫院否，以何處爲最穩妥可靠，敢乞

編輯先生速爲指示，以便早日戒除，還我自由之身，則感激大德沒齒難忘矣，臨穎不勝迫切待命之至，肅此敬請

志學編輯先生 撰安

編者答：來函誦悉，按吸食鴉片，其害最烈，全身經脈臟腑，被其毒氣薰灼，受有重創，日久則頃

刻不能相離，非具有毅然戒除之決心，不能爲功，閣下今既翻然覺悟，立志戒毒，殊堪欽佩，查津埠戒烟醫院，以河北關下北方醫院爲最穩妥可靠，該院能在短期內將毒質排除淨盡，使戒者絲毫不受痛苦，且費用亦頗低廉，鄙人茲敢負責介紹，如閣下來津，投入該院，必能如願以償也。

本市田懷珣君問……家慈現年七旬，平日身體尙屬康健，惟體質過胖，近來時常頭暈，手足發重，覺有冷氣侵襲，以前曾有感冒，亦未在意，不知是否爲中風之預兆，可用何法治療，祈賜解答爲幸

編者答：按所述尊慈之症，諒係冬令氣候嚴寒，感受外邪，未即發表，致使寒邪深固，竄入腦際及四肢，故手足重痛而頭暈，且覺有冷氣，更是外邪未解之證，茲擬一方，以散寒解表溫經活絡爲主，望試服如何，來函再酌

附方

紫蘇葉 三錢 桂枝 二錢 葛根 錢五 桑枝 一錢 荆芥 錢九 紫厚朴 錢五 川枳實 一錢 熟附片 錢九 油桂 一錢
藿香葉 一錢 木香 五分 生薑 三片

以上各味，水三盅，煎一盅，以睡前溫覆汗透爲度，如無汗須再服。

本市夏友唐君問：敬啓者，鄙人雖非醫界中人，但極願研究中國醫藥學識，以爲家庭健康之助，現聞上海有醫界春秋社徵集社員，公開研究，不知此項組織有無價值，可否加入，或本市有其他研究之地，望乞先生指導一切爲荷

編者答：來函已悉，閣下有志研究國醫學，可投入本市東門內中國醫學傳習所，內中課程，極爲

完備，教授國醫學科，造就專門人材，為華北唯一研究國醫學術之機關，且曾在政府立案，較為妥善，至上海醫界春秋，係按期出版之月刊，如欲訂閱，以作研究醫學之助，亦無不可。

◎代郵◎

文安王玉清君，山東濟南劉守先君，青島薛潤宜君鑒，大函已悉，承詢各節，業已專函奉覆，茲因本欄篇幅有限，不另發表矣，此覆順頌

台綏

編者

青鎮張雨生君鑒，時逸人先生，現在山西太原市新民中正街中醫改進研究會充任理事，如欲購其著作，請逕函該會接洽可也

編者

介紹痘科學出版

繆俊德編著

本書詳論痘瘡之病源症狀診斷療法。作有系統之研究。介紹新知。閎通舊法。說理精當。從未有過於此編者。功在保赤。中西醫家允宜人手一編。

每部特價四角八分寄費在內

總發賣處

江蘇如皋耕茶

延齡醫社

代售處

山西太原新民中正街
上海三馬路

中醫改進研究會
千頃堂書局

國醫正言定閱單

戶名	地址	期數	書費	日期
		自第 期起	計洋 元 角 分	中華民國 年 月 日 定
		至第 期止		
		計份		

定閱處 天津東門內文學東
箭道國醫研究會內

定閱者 請將此單剪下填
齊附款寄交本刊

定報價目表

全年十二冊	半年六冊	零售每冊	冊數
二元	一元一角	二角	國內
三元	一元六角	三角	香港及南洋
五元五角	二元九角	五角	歐美

郵費在內不另取資報資先惠不收郵票

廣告價目表

正文後	封皮裏面	封皮底面	地位	面積
			六元	十二元
三元五角	六元	七元	半面	全面四分之三
二元	三元	四元	全面八分之一	全面八分之一
一元五角	二元	二元五角		

本報對於國產飲料食品廣告價目格外從廉
此表係一期價目登三期以上九折六期以上八折全年七折
(但逐期續登期數未經規定者不在此例) 插圖另議
以上各費一律大洋均須先惠不收郵票

本刊編輯部審查員

王世珍

紹隆

許宗彝

從周

張少仙

品棣

劉廷文

李恩第

錫卿

王世鈞

冠華

李鴻儀

劉金詔

張振芝

張靜齋

侯繼志

趙少廷

國醫正言 (月刊) 第二十二期

中華民國二十五年三月一日出版

編輯主任 陳曾源

澤東

編輯 周偉

蘇甫 孫鳴山

沈肖卿 趙瑞升

趙寒松 齊志學

張蘭亭

發行者 天津市國醫研究會

地址 天津市東門內文學東箭道

借用陳宅電話五局一六八九

印刷者 天津益世報館

本刊代售處

西北城角 博古書局

大胡同 江東書局 南洋書局

北馬路 (大通書局) 成文厚書局

直隸書局 蔚文書局

東門內 培遠堂 寶林堂 文運堂

法租界 天津書局


慶豐棧 諸葛希武

上海代售處 四馬路上海雜誌公司

武清代售處

標

虎



◀ 坡 嘉 新 ▶

● 行 分 津 天 堂 安 永 標 虎 ●

號 九 牌 門 西 路 路 號 六 十 二 界 租 法

三 三 一 四 三 話 電

八 卦 丹



是却除口臭除穢辟毒
仕媛交際的仙丹！

二各中西藥號廣貨莊紙烟雜貨舖均有代售二

是提神醒腦止咳化痰
旅行必備的良伴！

萬 金 油



是春夏秋冬須臾莫離
的平時衛生秘訣！

是內服外擦萬試萬靈
的家庭常用妙藥！

三招請鄉村縣鎮代售處本行特備有詳章函索即寄二

清 快 水



是增進食慾消風導滯
之不二方！

是清潔腸胃補助消化
之唯一法！

頭 痛 粉



是降火疎風補腦活血
之非常品！

是立止頭痛精神助氣
之特效劑！